

# UPS!

## Ured za podršku studentima Univerzitet u Sarajevu

U ponedjeljak, 28.10.2019. u periodu od 12:00 do 14:00 u prostorijama Centra za interdisciplinarnu studiju Univerziteta u Sarajevu, **Ured za podršku studentima (UPS!)** organizirao je info sesiju o tome koji je cilj, kome su namijenjeni i pod kojim kriterijima se dodjeljuju mali grantovi u okviru projekta „PRO-Budućnost“ čiji je Javni poziv u toku. Više informacija o pozivu dostupno je na <https://www.probuducnost.ba/index.php/mali-grantovi>.

Projekat „PRO-Budućnost“ u kontinuitetu osigurava bespovratna sredstva mladima, neformalnim grupama, udruženjima žrtava rata, nevladinim organizacijama usmjerenim ka promoviranju međureligijskog dijaloga, kako bi doprinijeli procesu pomirenja i izgradnje povjerenja u BiH, zagovarali za mir i kolektivnu viziju za stabilnu budućnost i povezivali lokalne zajednice. Ove godine se od aplikanata očekuje da svoje ideje i prijedloge kreiraju u skladu s „Platformom za mir“ koja je rezultat intenzivnog i dugotrajnog rada projekta „PRO-Budućnost“ u više od 70 lokalnih zajednica u Bosni i Hercegovini.

Info sesiju su realizirale **Edita Čolo Zahiragić** i **Dajana Bogdanović**, djelatnice Catholic Relief Services (CRS) ispred navedenog Projekta. Info sesiji su prisustvovala 22 učesnika – studenti Filozofskog fakulteta i Akademije likovnih umjetnosti Univerziteta u Sarajevu, te članice Stručnog tima Ureda za podršku studentima.

Info sesija je osigurala informacije o Projektu, načinu apliciranja, najčešćim greškama pri podnošenju aplikacije, otvoren je prostor za razmjenu ideja koje bi mogle biti predmetom projektne aplikacije, a studenti su potaknuti i motivirani da se prijave na Javni poziv i projektnim aktivnostima doprinesu jačanju povjerenja, razumijevanja i odgovornosti u svojim zajednicama.

